

Morning Dogri (NSD) National News Bulletin 08-07-2024

आकाशवाणी

- प्रधानमंत्री नरेन्द्र मोदी होर अज्ज रूस ते आस्ट्रिया दे त्रऊं दिनें दे दोरे पर रवाना होआ करदे न।
- हेमंत सोरेन सरकार अज्ज झारखंड विधानसभा च विश्वास मत हासन करने दी कोश्ट करोग।
- राष्ट्रीय सतह पर मतेयान लैने आली अजेंसी एनटीए ते सीयूईटी यूजी 2024 ताई उत्तर कुंजी जारी करी दित्ती ऐ।
- भारतीय मौसम विभाग नै अगलै पंज दिनें दरान पच्छमी तट, पूर्वोत्तर ते पूर्वी भारत दे नेकें हिस्सें ते उत्तर प्रदेश च मती थमां बड़ी मती बरखा बरने दी पेशगोई कीती ऐ।
- फ्रांस च संसदीय चुनावं दे एकजिट पोल च त्रिशंकु संसद दी संभावना जताई गई ऐ।
- एथलेटिक्स च भारत दे अविनाश साबले नै फ्रांस च पेरिस डायमंड लीग च 3 जहार मीलटर एटीचलचेज च इक नमां राष्ट्रीय रिकार्ड बनाया।



PM-Russia

प्रधानमंत्री नरेन्द्र मोदी होर अज्ज रूस ते आस्ट्रिया दे त्रऊं दिनें दे सरकारी दौरे पर रवाना होआ करदे न। दौरे दे पैहले गेड़ च ओह 22में भारत-रूस सलाना शिखर सम्मेलन लेई मास्को जांगन। एह सम्मेलन प्रधानमंत्री नरेन्द्र मोदी ते रूस दे राष्ट्रपति ब्लादिमीर पुतिन गी रक्षा, बपार ते निवेश, ऊर्जा सैहयोग, शिक्षा संस्कृति ते लोकें बश्कार आपसी तालमेल सने व्यापक दपक्खी मुद्दें पर बचार बमर्श करने दा मौका देग। दौनें लीडर आपसी हित आले क्षेत्रीय ते वैश्विक घटनाक्रम पर बी गल्लबात करगंन। ओह ब्रिक्स, शंघाई सैहयोग संगठन जी-20, पूर्व एशिया शिखर सम्मेलन ते संयुक्त राष्ट्र जनेह् मंचें च दपक्खी सरबंधें दी मजूदा स्थिति दा बी विश्लेषण करगंन।

दौरे दे दुए गेड़ च प्रधानमंत्री होर 9 ते 10 जुलाई गी आस्ट्रिया च होंगन। श्री मोदी हुंदी पैहली आस्ट्रिया यात्रा उत्थुआं दे चांसलर दे साददे पर होआ करदी ऐ। दौनें लीडरें बकशर शिष्टमंडल सतह दी गल्लबात दे अलावा बपार जगत दे मुख् मुख् लोकें कन्नै बी मोदी हुंदी वार्ता होग।

<><><><><><>

Jharkand

झारखंड च हेमंत सोरेन सरकार अज्ज विधानसभा च विश्वास मत हासल करोग। एह्दे आस्तै दिन दे 11 बजे थमां विधानसभा दा टकोहृदा इजलास सददेआ गोआ ऐ। मुख्मंत्री हेमंत सोरेन होरें झारखंड मुक्ति मोर्चा दे सारे विधायकें गी सदन च मजूद रौहने दे निर्देश दित्ते न। झारखंड मुक्ति मोर्चा दे सैहयोगी द लते भारतीय कम्युनिस्ट पार्टी नै बी अपने विधायकें गी मजूद रौहने लेई आखेआ ऐ।

<><><><><><>

NTA

राश्ट्री सतह पर मतेयान लैने आली अजेंसी एनटीए नै संयुक्त यूनिवर्सिटी दाखला मतेयान 2024 दी जवाब कुंजी जारी करी दित्ती ऐ। विद्यार्थी इस कुंजी गी कलै तगर चुनौती देई सकदे न। हुन इक हफते दे अंदर-अंदर नतीजे घोषत कीते जाने दी मेद ऐ, एह मतेयान पैहली बारी हाईब्रिड आधार पर आयोजित कीती गेई ही।

<><><><><><>

President

राश्ट्रपति द्रौपदी मुर्मू होर अज्ज भुवनेश्वर च ऐतिहासक उदयगिरी गुफा दिक्खने जांगन। उदयगिरी दियां गुफा ब्रहमी लिपि च लिखे गेदे हाथी गुम्फा लेखें लेई मशूहर न। ओह भुवनेश्वर कश हरिदामदा ग्रां च ब्रहमकुमारी दिव्य केन्द्र दा बी उद्घाटन करगंन।

श्रीमती मुर्मु होरें कल पुरी च भगवान जगन्नाथ, भगवान बलभद्र ते देवी सुभद्रा दी विश्व प्रसिद्ध रथ यात्रा बी दिक्खी। राष्ट्रपति होर 4 दिनें दे ओडिशा दौरे पर न।



Odisha Rath Yatra

ओडिशा दे पुरी च भगवान जगन्नाथ, भगवान बलभद्र ते देवी सुभद्रा दी मशहूर रथ यात्रा च रथें गी खिच्चना अज्ज परतियै शुरू होग। पुरी च गुंडिचा मंदर आस्तै रथें गी खिच्चना कल दिन ढलने मगरा रोकी दित्ता गेआ हा। खास खगोलीय बवस्था करी इस बरे रथ यात्रा 2 दिनें आस्तै आयोजित कीती जा'रदी ऐ। ऐसा पिछली बारी ब8रे 1971 च होआ हा। सालाना यात्रा दे शांतिपूर्ण ते सुचारू आयोजन आस्तै सुरक्षा दे लोडचदे इंतजाम कीते गेदे न।



Amarnath Yatra

जम्मू कश्मीर दे जम्मू स्थित भगवती नगर आले आधार शिविर थमां 5 जहार 803 श्रद्धालुएं दा इक होर जत्था श्री अमरनाथ जी दी यात्रा लेई घाटी आस्तै रवाना होआ। एह श्रद्धालु 218 गड्डिडएं दे काफले च सुआर होइयै बडलै अपनी यात्रा लेई रवाना होए। इस जत्थे च 4 जहार 521 मर्द, इक जहार 139 महिला, 9 बच्चे, 124 साधु, 10 साध्वियां शामिल हियां। कुल 5 जहार 803 श्रद्धालुएं चा इक जहार 862 बालटाल लेई ते 3 जहार 941 पहलगाम लेई रवाना होए।



SEBI

एसईबीआई नै अडानी समूह बारे च महत्वपूर्ण रिपोर्ट लीक करने आस्तै हिंडनबर्ग रिसर्च गी कारण दस्सो नोटिस जारी कीता ऐ। एह रिपोर्ट न्यूयार्क दे हेज फंड मैनेजर मार्क किंगडन गी लीक कीती गई ही। नोटिस च अरोप लाया गेआ ऐ जे रिपोर्ट दे प्रकाशन मगरा अडानी समूह दी 10 सूचिबद्ध फर्मे दे शेयर मूल्यें च इक सौ 50 अरब डॉलर थमां मती दी गिरावट आई।



SC NEET

सुप्रीम कोर्ट अज्ज नीट अंडर ग्रेजुएट कन्नै सरबंधत याचिकाएं दे इक बेंच पर सुनवाई करोग जेह्दे च नमें सिरेया मतेयान दी मंग करने आली याचिका बी शामिल न। सुप्रीम कोर्ट दी वेबसाइट पर अपलोड कीती गेदी सूचि मताबक 26 याचिकाएं दा बेंच मुख् न्यायधीश डी. वार्ड.चन्द्रचूड़ ते न्यायमूर्ति जे.बी.पारदीवाला ते मनोज मिश्रा दी पीठ सामने सुनवाई लेई ओग। छात्रे आस्सेआ दायर कीती गेदी याचिकाएं च नीट मतेयान च होई दिएं कथित गड़बड़िं दी बक्खरी ते स्वतंत्र जांच दी मंग कीती गेदी ऐ। केन्द्र नै आखेआ ऐ जे मतेयान पर बड्डै पैमाने पर गड़बड़ी दे कुसै बी सबूत दे नेई होने पर नीट-यूजी 2024 दा मतेयान परतियै करोआने दी कोई लोड़ नेई ऐ। इनें इब्बी तर्क दित्ता जे नमां मतेयान लक्खे वास्तविक मेदवारें दी जीवन पर गल्ल असर पाग।



IMD

मौसम विभाग ने अगले 5 दिनें दरान पच्छमी तट, पूर्वोत्तर ते पूर्वी भारत दे केई हिस्सें सनें उत्तर प्रदेश च मती थमां भारी बरखा पौने दी संभावना जाहर कीती ऐ। मौसम विभाग मूजब अज्ज बिहार ते ओडिशा दी बक्ख-बक्ख थाहरें पर बड़ी मती बरखा होने दी संभावना ऐ। असम ते मेघालय च बी इस म्हीने दी 10 ते 11 तरीक गी बरखा होने दी संभावना ऐ। अगले 5 दिनें दरान कोंकण ते गोवा, मध्य महाराष्ट्र, केरल ते माहे लक्षद्वीप ते तटीय कर्नाटक च गरज चमक कन्नै हल्की थमां दरम्याने दर्जे दी बरखा होने दी मेद ऐ।



France Election

फ्रांस च संसदीय चुनां दे मतदान मगरा सर्वेक्षणें च त्रिशंकु संसद दा अनुमान जाहर कीता गेआ ऐ। दुए दौरे दे मतदान च वामपंथी न्यू पॉपुलर फ्रंट गी ज्हादातर सीटां थहोने दी संभावना ऐ। सर्वेक्षण च राष्ट्रपति इमैनुअल मैक्रों हुंदी मध्यपंथी एसेंबल गठबंधन दुए थाहर पर जिसलै के धुर दक्खन पंथी नेशनल रैली गी त्री थाहर पर दस्सेआ गेआ ऐ। कुसै बी गठबंधन गी बहुमत थहोने दी संभावना नेई ऐ।

मतदान मगरा सर्वेक्षण मूजब वामपंथी न्यू पॉपुलर फ्रंट गी 175 थमां 205 सीटां, राष्ट्रपति एमैनुअल मैक्रों हुंदे मध्यपंथी गठबंधन गी 150 थमां 170 सीटां ते मारिन लीपेन दी दक्खन पंथी नेशनल रैली गी 115 थमां 150 सीटां थहोने दी संभावना ऐ। प्रधानमंत्री गैब्रियल अट्टल होरें आखेआ ऐ जे ओह राष्ट्रपति मैक्रों हुंदे मध्यपंथी गठबंधन दी हार दे मगरा स्तीफा देई देंगन। नेशनल असेंबली जां हेठलै सदन दी 577 सीटें चा 501 आस्तै दुए चरण च मतदान होआ। 76 सीटें दा फैसला मतदान दे पैहले गेड़ च होई चुके दा ऐ।

<><><><><><>

Punjab Soil

पंजाब च नीति आयोग आस्सेआ जारी कीती गेदी ग्रांट कन्नै मोगा च पैहली रुक्ख बूहटें आस्तै क्लिनिक ते मिट्टी दी जांच आस्तै लैबाट्री स्थापत कीती गेइ ऐ। एह क्लिनिक करसानें गी मिट्टी दी मुफ्त जांच ते पौधें दी बमारिएं थमां बचाह आलियां सेवा उपलब्ध करोआग। इस क्लिनिक दी स्थापना कुल 1 करोड़ 25 लक्ख रुपें दी लागत कन्ने कीती गेई ऐ। एहूदे कन्नै फसलें दी पैदावार च करसानें दी आमदन च बाद्धा होग।

<><><><><><>

Athletics

फ्रांस दे पेरिस डायमंड लीग च 3 जहार मीटर स्टीपलचेज च कल भारत दे अविनाश साबले नै नमां राष्ट्रीय रिकार्ड बनाया ऐ। स्टार स्टीपलचेज खडारी अविनाश साबले नै अपने गै रिकार्ड गी इक सेकंड थमां बी मता बेहतर कीता ऐ। अविनाश साबले 8 मिनट 9 सेकंड ते इक सेकंड दे 91 सौवा हिस्से दे समें कन्नै 6मीं थाहर पर रेहू। हालांकि इथियोपिया दे अब्राहम सिमे 8 मिनट 2 सेकंड ते इक सेकंड दे 36 सौवे हिस्से कन्नै बेहतर प्रदर्शन राएं पैहली थाहर पर रेहू।

<><><><><><>

Cricket

मर्दे दे क्रिकेट च भारत ते जिम्बावे बश्कार कल हरारे च खेड़डे गेदे 5 टी-20 क्रिकेट मैचें दी श्रृंखला दे दुए मैच च भारत नै मेजबान टीम गी 100 रंजें कन्नै हराई दित्ता।

टॉस जित्तिरै पैहले बल्लेबाजी करदे भारत नै 20एं ओवरें च 234 रंज बनाए। अभिषेक शर्मा नै शानदार बल्लेबाजी करदे होई 47 गेंदें च शतक बनाया। परते च जिम्बावे 18.4 ओवरें च 134 रंज गै बनाई सकी। मुकेश कुमार ते आवेश खान दे 3-3 खडारिं गी आउट कीता ऐ। इस जित्त कन्नै भारत नै श्रृंखला च 1-1 कन्नै बराबरी करी लैती ऐ।

